

GENÉROSÍSSIMO DOMINO
DOMINO
HENNINGO
A **THINEN,**
IN WARLEBERG ET RATH-
MANSTORF
DYNASTAE,
MAGNO NOBILITATIS HOLSA-
TICAE SPLENDORI

ATQUE ORNAMENTO,
CUM IPSIUS PRID. KL. JUN. AO. MDCCIII. VITA
FUNCTI EXEQVIAS XVI. KL. SEXT.

EIVSDEM ANNI
MOESTÍSSIMA VIDUA
PIE AC SPLENÐIDE
CURARÉT,

EXIGUUM HOC MAGNARUM VIRTUTUM
MONUMENTUM
OBSERVANTÍSSIME DIGAT
CONSECRATQUE

SEBASTIANVS KORTHOLT,
PŒSIOS PROFESS. ORDIN.

KILONII,
Typis BARTHOLDI REUTHERI, Academ. Typogr.



Ille ego qui nuper cladeis, properataque CAJI
Funera, lugubremq; vicem, fraternaue busta
Carmine ferali luxi: Tua, Maxime THINI,
Fata necemque cano, scissis quem moesta capillis,
Demisso vultu, cultusque oblita sui que,
Attonitos inter Nati Nataeque ululatus,
Et Fratris gemitus (qui post tria funera solus
Fratribus ex THINI vivit, vivatque superstes!)
Ante diem Conjux delamentatur ademptum.
Eheu! quam rerum facies funesta videtur.
Fletus ubiq; & ubiq; dolor, documentaque luctus,
Et longe posita discunt haec funera gentes,
Atque edit vanos in primis Cimbria questus.

Ah! furor est rivos lacrymarum effundere ina-
Nilque adjuturo sese permittere luctu. (nes,
Quin quocunq; modo leto eripiamus & umbris,
Et latebris tumuli coecis latuisse vetemus,
Et patrio exciti fluvio pia carmina cygni
Phoebeci cantent, tollantque ad sidera pennis
Eximia virtute virum ac praestantibus ausis.

Laudabunt alii proavosq; atavosq; paternos,
Spectatos bello Heroas, pacisque ministros,
Et totam THINI repetent ab origine gentem,
Et famam generi factisque ingentibus addent.
Quod saxum quondam multo conamine volvit
Vir doctus,* veterum qui scripta annosa parentū
Corruptasque situ chartas, semesaque verba
Cura credibili majore terendo, senesque
Priscarum gnaros rerum sandique rogando,
Funeremq; omnem lapidē cippumq; movendo
Eruit antiqua quicquid de stirpe tenemus.

Tu solus mihi carmen eris, qui laudibus anteis
Tot patrum laudes & nomina clara tuorum,

Et
* Jo. Dan. Eberus Insignia & Tabulam Genealogicam Dominorum à Thi-
nen, edidit Kilon, 1670.

Et linquis post terga genus majoribus ipsis
Nil minor, atque Tibi, Vir Maxime, sufficis unus.
Sed neque virtutes cunctas extollere versu
Ordinar: illa rotis aliis via longa teretur.
Artibus instructum placidis, doctisq; studentem
Materia numeris nos conveniente canemus.
Scilicet haec tantum nostris sunt viribus apta
Et sedet hoc solo mea tendere carbasa ponto.

Nondum signabas stabili terram pede: linguae
Vix tenerae nexus & vincula solverat aetas,
Cum virtutis iter puerili insistere planta,
Anticipare annos, laudis dare signa futurae,
Illustrem viridi genitorem fassus ab aevo.
Longae paulatim visae decrescere vestes,
Parvula jam volvit libros manus: indole votum
Exsuperas docilis patris, curamque magistri,
Et potis es doctas audire & reddere voces.
Abstulerant primam Musarum Sacra juventam,
Otia Kilonio concedis: gratia fandi,
Et linguae Latialis honos Te cura que tangit,
Et priscae rudis historiae fugis hospes haberi
Sive novae, & quasvis animum dimittis in artes.
Nec tua se tenuit Cimbri sollertia Pindo,
Te juvat Argentina, tuis loca commoda Musis,
Arripis hic quicquid potuit seu jure peritus
Tradere, sive suis Copernicus additus astris,
Aut vetus Euclides, & non minor arte vetustis
Tycho, polumque cupis sublimi mente tenere,
Et Lunae faciem obscurae Solisque labores,
Prudentique notas coeli spatia ignea vultu.
Plejades atque Hyades, Heliceque & aquosus Orion,
Et modo Virgo tuos oculos, modo Taurus & Haedus,
Atque Ariadneae modo detinere coronae.

Digna

FKTn 9339 x3005602

Non indigna tuos poscunt spectacula vultus
Utilitate vias multa pensantia longas.
Praeponis Rhodanum patriis Tibrimque fluentis,
Et Te delitiis rerum suavissima spectat
Gallia, & illecebris sistit longumque moratur,
Et nisi miranti nemo quae lumine vidit
Concedit lustranda tuo, novus advena Romam
Visis, & Ausonia ponis vestigia terra.
Nectamen interea non lassat pagina dextram
Crebra tuam, & nullum frustra Tibi labitur aevum,
Et quotquot mundi loquitur pars optima linguas
Percipis, in primis Galloque Italoque politus.
Sunt ornamento pretiosae moenibus aedes
Artificesque trabes, animataque saxa figuris,
Magnificaeque arces, & tecta minantia coelo;
At majus decus est urbis vir doctus & artis
Ingenuae gnarus, studiisque instructus honestis.
Haec inter patriae versaris lumina; coelo
Ire Tibi visus, rutilosque errare per axes,
His sine Gallica terra solum Tibi vile videtur,
His sine nec Romana placet nec patria tellus,
His cupis innotuisse viris, in pectore doctus,
Doctus in ore Tibi, doctorum limina pulsas,
Et doctis postes pandis blandosque lacertos.
Quid magis egregium, generosis mentibus ardor
Quis magis innatus, quid pulchrius, aut magis dignum
Laudibus esse queat, quam devinxisse Camoenas
Omnibus officiis, & conciliaisse merendo.

Salve Musarum fautor, generate fovendis
A puero Tibi dilectis ante omnia Musis.
Evehat assiduis praesens Te plausibus aetas,
Et tribuat nullo perituros tempore honores,
Grataque posteritas dicat Tua nomina, THIMI.

VD18

MO.

GENEROSISSIMO DOMINO
DOMINO
HENNINGO

A THII
IN WARLEBER
MANST
DYNAS
MAGNO NOBILI
TICAE SPLI

ATQUE ORNA
CUM IPSIUS PRID. KL. JUN
FUNCTI EXEQVIAS
EIVSDEM A
MOESTISSIMA
PIE AC SPLE
CURARE

EXIGUUM HOC MAGNA
MONUMEN
OBSERVANTISSI
CONSECRAT

SEBASTIANVSK
PŌESIOS PROFESS

KILON

Typis BARTHOLDI REUTHERI, Academ. Typogr.

